



PULE'ANGA TONGA ONGOONGO TUKUATU

(‘Aho 20 ’o Sanuali, 2026)

“Fakataha ‘a e Eiki Palemia, Lord Fakafanua mo e Sekelitali-Seniale ‘o e Va’a Faka-Sekelitali ‘a e Ngaahi Fonua ‘o e Pasifiki (Pacific Islands Forum Secretariat)”

Nuku‘alofa, Tonga - Na’e ‘a’ahi mai ‘a e Sekelitali-Seniale ‘o e Va’a Faka-Sekelitali ‘a e Forum, Hon Baron Waqa, ki he ‘Eiki Palēmia, Lord Fakafanua, he ‘ahó ni.

Ko e ‘a’ahi mai eni ‘a e Sekelitali-Senialé hili ‘a hono fakanofa ‘a e ‘Eiki Palēmia ki he lakanga taki, ke faka’ilonga’i ‘a hono fatongia ko e Palēmia fakamuimuitaha kuo fakanofa ‘i he Tukuifonua ‘o e Pasifiki, pea mo ‘ene hoko ko e memipa ‘o e kau taki ‘e toko tolu ‘o e komiti fale’i ki he fakataha’anga ‘a e kau taki ‘o e ngaahi fonua ‘o e Pasifiki (TROIKA). ‘Oku hoko ‘a e ‘a’ahi ko ení, ke ne fakahā ‘a e tupulekina mo e vā fengāue’aki vaofi ‘o e Pule’anga Tongá mo e Va’a Faka-Sekelitali ‘a e kau Taki ‘o e tukuifonua ‘o e Pasifiki (Pacific Islands Forum Secretariat).

Na’e fevahevahe’aki ‘e he ‘Eiki Palēmia mo e Sekelitali Senialé, lolotonga ‘a e fakataha ni, ‘a e ngaahi fakakaukau fekau’aki mo e ngaahi ngāue fakafeitu’u mo e mahu’inga ‘o e fiema’u ke hokoatu e ngaahi vā fengāue’aki ko eni he tukuifonua memipa ‘o e Forum kenau fe’inasi’aki he ngaahi lelei mo e ngāue ki he Pasifiki. Na’e talamonū ‘a e Sekelitali Seniale kia Lord Fakafanua mo tukupā ‘e fengāue’aki vāofi ‘a e Va’a Faka-Sekelitali ‘a e Forum mo Tonga ke poupoua ‘a e vā fengāue’aki fakafeitu’u mo e ngāue fakatahá.

Na’e talitali lelei ‘e Lord Fakafanua ‘a e ‘a’ahi ni mo fakahā ‘a ‘ene fakamalō ki he ngaahi ngaue ‘a e Va’a Faka-Sekelitali ‘a e Forum ‘oku fakahokó, mo fakahā ‘a e tukupā ‘a Tonga ki he takilelei fakafeitu’u mo poupou ki he founa mo e ngaue ‘a e Forum.

-NGATA’ANGA-